

দুটি প্রাচীন প্রেমের কবিতা

॥ এক ॥

সে - হৃদয় দ্বীপ হোক
 সে সমুদ্র ভালোবাসা হয়
 হৃদয়ের কাছে ঘিরে থাক...
 আমার নাবিক মন
 যৌবন ইচ্ছার মতো ঘুরে
 সেই দ্বীপ যেন খুঁজে পাক
 তারপর সন্ধ্যা হলে
 সাগর - আকাশ-দ্বীপ ঘিরে
 নামে যদি সূর্য-শেষ রঙ
 তোমার মুখের দিকে
 চেয়ে চেয়ে নিভে যেতে পারি,
 কোনো ক্ষোভ রাখবেনা মন!

॥ দুই ॥

তোমার নীল চোখ ঘিরে আসুক কাজল মেঘ
 ঢল নামুক আষাঢ় - শ্রাবণ আঝোর - বারন ধারায় ।
 এখন তুমি কাঁদো, কেবল কাঁদো--
 কান্না তোমার রূপের পাথর শানায় !
 বুকের ভিতর শেল - বেঁধানো জ্বালা
 --এখন তোমায় কাঁদলেই খুব মানায় !
 আমার কথা থাকুক না- হয় তোলা
 আমার ঘরের জানলা কপাট খোলা
 ঝড়কে নিয়ে নামুক তোমার ঢল !
 ভিজুক না গা, গেরস্থালির যাক ভেসে সব
 প্রবল জলের দাপে
 ঝড়কে ডেকে সমাদরে বসাবো কিংখাপে
 ঝড়ের সঙ্গে ঝড়ের কথাই চলবে অনর্গল !...

অমলেন্দু দত্ত

